

四庫全書

子部

欽定四庫全書

子部
莊子注卷二

詳校官監察御史臣邱庭澍

檢討臣何思鈞覆勘

總校官進士臣朱鈐

校對官編修臣楊壽楠

謄錄監生臣鄒貽詩

欽定四庫全書

子部十四

莊子注

道家類

提要

臣等謹案莊子注十卷晉郭象注象字子元
河南人辟司徒掾稍遷至黃門侍郎東海王
越引為太傅主簿事迹具晉書本傳劉義慶
世說新語曰注莊子者數十家莫能究其旨
統向秀於舊注外別為解義妙演奇致大暢

元風惟秋水至樂二篇未竟而秀卒秀子幼其義零落然頗有別本遷流衆為人行薄以秀義不傳於世遂竊以為已注乃自注秋水至樂二篇又易馬蹄一篇其餘衆篇或點定丈句而已其後秀義別本出故今有向郭二莊其義一也晉書象本傳亦采是丈絕無異語錢曾讀書敏求記謂世代遼遠傳聞異詞晉書所云恐未必信案向秀之注陳振孫稱

宋代已不傳但時見陸氏釋文今以釋文所
載校之如逍遙遊有遊之心句釋文郭向並
引絕不相同肱篋篇聖人不死大盜不止句
釋文引向注二十八字又為之斗斛以量之
句釋文引向注十六字郭本皆無然其餘皆
互相出入又張湛列子注中凡文與莊子相
同者亦兼引向郭二注所載達生篇佝僂丈
人承蜩一條向注與郭一字不異應帝王篇

神巫季咸一章皆棄而走句向郭相同列子見之而心醉句向注曰迷惑其道也而又奚卯焉句向注六十二字郭注皆無之故使人得而相汝句郭注多七字示之以地文句向注塊然如土也郭注無之是殆見吾杜德機句鄉吾示之以天壤句名實不入句向郭並同是殆見吾善者機也句向注多九字子之先生坐不齋句向注二十二字郭注無之鄉

吾示之以太沖莫勝句郭改其末句淵有九
名以處三焉句郭增其首十六字尾五十一
字鄉吾示之以未始出吾宗句故逃也句食
豨如食人句向郭並同於事無與親以下則
並大同小異是所謂竊據向書點定文句者
殆非無證又秋水篇與道大蹇句釋文云蹇
向紀輦反則此篇向亦有注併世說所云象
自注秋水至樂二篇者尚未必實錄矣錢曾

乃曲為之解何哉考劉孝標世說注引逍遙
遊向郭義各一條今本無之讓王篇惟注三
條漁父篇惟注一條盜跖篇惟注三十八字
說劍篇惟注七字似不應簡畧至此疑有所
脫佚又列子生物者不生化物者不化二句
張湛注曰莊子亦有此文併引向秀注一條
而今本莊子皆無則是併正文亦有所遺漏
蓋其亡已久今已不可復考矣乾隆四十六

年十月恭校上

總纂官

臣紀昀

臣陸錫熊

臣孫士毅

費

總校官

臣陸

費

曄

莊子注原序

夫莊子者可謂知本矣故未始藏其狂言言雖無會而獨應者也夫應而非會則雖當無用言非物事則雖高不行與夫寂然不動不得已而後起者固有間矣斯可謂知無心者也夫心無為則隨感而應應隨其時言唯謹爾故與化為體流萬代而冥物豈曾設對獨邁而游談乎方外哉此其所以不經而為百家之冠也然莊生雖未體之言則至矣通天地之統序萬物之性達死生

之變而明內聖外王之道上知造化無物下知有物之
自造也其言宏綽其旨玄妙至至之道融微旨雅泰然
遣放放而不傲故曰不知義之所適猖狂妄行而蹈其
大方含哺而熙乎澹泊鼓腹而游乎混茫至人極乎無
親孝慈終於兼忘禮樂復乎已能忠信發乎天光用其
光則其朴自成是以神器獨化於玄冥之境而源流深
長也故其長波之所蕩高風之所扇暢乎物宜適乎民
願弘其鄙解其懸灑落之功未加而矜夸所以散故觀

其書超然自以為已當經崑崙涉太虛而游惚恍之庭
矣雖復貪婪之人進躁之士暫而攬其餘芳味其溢流
彷彿其音影猶足曠然有忘形自得之懷況探其遠情
而玩永年者乎遂綿邈清遐去離塵埃而返冥極者也

晉郭象撰

欽定四庫全書

序

欽定四庫全書

莊子注卷一

晉 郭象 注

內篇逍遙遊第一

夫小大雖殊而放於自得之場則物任其性事稱其能各當其

分道遙一也豈容勝負於其間哉

北冥有魚其名為鯢鯢之大不知其幾千里也化而為

鳥其名為鵬

鵬鯢之實吾所未詳也夫莊子之大意在

以明性分之適達觀之士宜要其會歸而遺其所寄不足事曲與生說自不害其弘旨皆可畧之○北冥海也取其溟溟無涯也水黑色謂之冥海無風洪波百丈鯢大魚名鵬即古鳳字非來儀之鳳也說文云朋及鵬

皆古文鳳字朋鳥象形鳳飛
羣鳥從以萬數故以鵬為朋鵬之背不知其幾千里也

怒而飛其翼若垂天之雲是鳥也海運則將徙於南冥

南冥者天池也

非冥海不足以運其身非九萬里不足以負其翼此豈好奇哉直以大物必自

生於大處大處亦必自生此大物理固自然不患其失又何措心於其間哉齊諧者志怪者

也諧之言曰鵬之徙於南冥也水擊三千里搏扶搖而

上者九萬里

夫翼大則難舉故搏扶搖而後能上九萬里乃足自勝耳既有斯翼豈得決然而起

數仞而下哉此皆不得不然非樂然也去以六月息

者也

夫大鳥一去半歲至天池而息小鳥一飛半朝搶榆枋而止此比所能則有間矣其於適性一也

野馬也塵埃也生物之以息相吹也

此皆鵬之所憑以飛者耳野馬者遊

氣也天之蒼蒼其正色耶其遠而無所至極耶其視下也

亦若是則已矣

今觀天之蒼蒼竟未知便是天之正色耶天之為遠而無極耶鵬之自上以視

地亦若人之自此視天則止而圖南矣言鵬不知道里之遠近趣足以自勝而逝補大鵬之飛九萬里則其下視生物相吹之氣亦如今觀天且夫水之積也不厚則之色蒼蒼而已言其遠之甚也

負大舟也無力覆杯水於坳堂之上則芥為之舟置杯

焉則膠水淺而舟大也

此皆明鵬之所以高飛者翼大故耳夫質小者所資不待大則

質大者所用不得小矣故理有至分物有定極各足稱事其濟一也若乃失乎忘生之主而營生於至當之外

事不任力動不稱情則雖垂天之翼不能無窮決起之
飛不能無困矣。○堂道謂之坳有坳垤形也芥小草也
膠著地也風之積也不厚則其負大翼也無力故九萬里

則風斯在下矣而後乃今培風背負青天而莫之夭闕

者而後乃今將圖南

夫所以乃今將圖南者非其好高而慕遠也風不積則天闕不通故

耳此大鵬之道遙也。○培音裴重也本或作陪風絕句背負青天一讀以背字屬上句夭折也闕止也塞也

蜩與鸞鳩笑之曰我決起而飛搶榆枋時則不至而控

於地而已矣奚以之九萬里而南為

苟足於其性則雖大鵬無以自貴於

小鳥小鳥無羨於天地而榮願有餘矣故小大雖殊道進一也。○蜩音條鸞鳩鸞音預鵬鵬也毛詩草木疏云

鵲鳩班鳩也月令云鳴鳩拂其羽是也
決疾貌搶突也榆枋木名控投也引也
適莽蒼者三飡

而反腹猶果然適百里者宿春糧適千里者三月聚糧

所適彌遠則聚糧彌多故其翼彌大則積
氣彌厚也○莽蒼近郊之色也果飽貌
之二蟲又何

知二蟲謂鵬蜩也對大於小所以均異趣也夫趣之所
知以異豈知異而異哉皆不知所以然而自然耳補二

蟲指蜩與
鷲鳩也
小知不及大知小年不及大年
物各有性性

年知豈跂尚之所及哉自此以下至于列子歷舉年知
之大小各信其一方未有足以相傾者也然後統以無

待之人遺彼忘我冥此羣異異方同得而我無功名是
故統小大者無小無大者也苟有乎小大則雖大鵬之

與斥鷃宰官之與御風同為累物耳齊死生者無死無
生者也苟有乎死生則雖大椿之與蟪蛄彭祖之與朝

菌均於短折耳故遊於無小無大者無窮者也冥乎不死不生者無極者也若夫逍遙而繫於有方則雖故之使遊而有所窮矣未能無行奚以知其然也朝菌不知也○知音智跂丘跂反後同

晦朔蟪蛄不知春秋此小年也楚之南有冥靈者以五百歲為春五百歲為秋上古有大椿者以八千歲為春八千歲為秋而彭祖乃今以久特聞衆人匹之不亦悲

乎夫年知不相及若此之懸也比於衆人之所悲亦可悲矣而衆人未嘗悲此以其性各有極也苟知其極則毫分不可相跂天下又何所悲乎哉夫物未嘗以大欲小而必以小羨大故舉小大之殊各有定分非羨欲所及則羨欲之累可以絕矣夫悲生於累累絕則悲去悲去而性命不安者未之有也○朝菌其隕反大芝也

天陰生糞上見日則死一名日及故不知月之終始也
糞上芝朝生暮死晦者不及朔朔者不及晦一名舜英
朝生暮落木槿也晦冥也朔旦也蛄音姑蟪蛄寒蟬也
一名蜉蝣春生夏死夏生秋死蛸勞也或曰山蟬秋鳴
者不及春春鳴者不及秋廣雅云蟪蛄蛸勞也即楚詞
所云寒蜩者也冥靈木名也江南生以葉生為春葉落
為秋此木以二千歲為一年椿木一名檮木也此
木三萬二千歲為一年彭祖名鏗堯臣封於彭城歷虞
夏至商年七百歲故以久壽見聞世本云姓鏗名鏗在
商為守藏史在周為柱下史年八百歲一云即老子也

湯之問棘也是已

湯之問棘亦云物各有極任之則條暢故莊子以所問為是也○棘湯時

賢人窮髮之北有冥海者天池也有魚焉其廣數千里未
有知其脩者其名為鯢有鳥焉其名為鵬背若泰山翼

欽定四庫全書

莊子注
卷一

四

若垂天之雲搏扶搖羊角而上者九萬里絕雲氣負青天然後圖南且適南冥也斥鷃笑之曰彼且奚適也我騰躍而上不過數仞而下翱翔蓬蒿之間此亦飛之至也而彼且奚適也此小大之辨也各以得性為至自盡為極也向言二蟲殊翼故所至不同或翱翔天池或畢志榆枋直各稱體而足不知所以然也今言小大之辨各有自然之素既非跂慕之所及亦各安其天性不悲所以異故再出之○髮猶毛也北極之下無毛之地也案毛草也地理書云山以草木為髮羊角風曲上行若羊角上時掌反斥小澤也鷦鷯也故夫知効一官行比一鄉德合一君而徵一國者其自視也亦若此矣猶

鳥之自得於一方也

而宋榮子猶然笑之

未能齊故有笑○宋榮子宋國人也賢者也猶

然笑之猶笑貌案謂猶以為笑

且舉世而譽之而不加勸舉世而非之

而不加沮

審自得也

定乎內外之分

內我而外物

辨乎榮辱之竟

榮已而辱人

斯已矣

亦不能復過此

彼其於世未數數然也

足於

身故間於世也

雖然猶有未樹也

唯能自是耳未能無所不可也○樹立也

未能至

夫列子御風而行泠然善也

泠然輕妙之貌○列子鄭人名禦寇

得風征乘風而行與

旬有五日而後反

苟有待焉則雖御風而行不能

以一時

彼於致福者未數數然也

自然御風行耳非

此

欽定四庫全書

莊子注
卷一

五

雖免乎行猶有所待者也

也非風則不得行斯必有待若也唯無所不乘者無待耳

夫乘天地之正而御六氣之辯以遊無窮者彼且惡乎

待哉

天地者萬物之總名也天地以萬物為體而萬物必以自然為正自然者不為而自然者也故大鵬

之能高斤鷃之能下椿木之能長朝菌之能短凡此皆自然之所能非為之所能也不為而自能所以為正也故乘天地之正者即是順萬物之性也御六氣之辯者即是遊變化之塗也如斯以往則何往而有窮哉所遇斯乘又將惡乎待哉此乃至德之人玄同彼我者之道達也苟有待焉則雖列子之輕妙猶不能以無風而行故必得其所待然後逍遙耳而況大鵬乎夫唯與物冥而循大變者為能無待而常通豈自通而已哉又順有待者使不失其所待所待不失則同於大通矣故有待無待吾所不能齊也至於各安其性天機自張受而不

知則吾所不能殊也。夫無待猶不足以殊有待。況有待者之巨細乎。六氣陰陽風雨晦明也。平旦為朝霞。日中為正陽。日入為飛泉。夜半為沆瀣。天玄地黃為六氣。王逸楚辭注。凌陽子明經言。春食朝霞。朝霞者日欲出時黃氣也。秋食淪陰。淪陰者日沒已後赤黃氣也。冬食沆瀣。沆瀣者北方夜半氣也。夏食正陽。正陽者南方日中氣也。并天玄地黃之氣是為故曰至人無已。無已故六氣沆瀣音戶黨反。瀝音下界反。故曰至人無已。順物順物而王矣。○已音紀。注同。神人無功。夫物未嘗有謝生而王于況反。本亦作至。賴於針石。故理至則迹滅矣。今順而不助。與至理為一。故無功。聖人無名。聖人者物得所以名其。堯讓天下於許由曰。日月出矣而燭火不息。其於光也不亦難乎。時雨降矣而猶浸灌。其於澤也不

亦勞乎夫子立而天下治而我猶尸之吾自視缺然請

致天下許由曰子治天下天下既已治也

夫能令天下治不治天下

者也故堯以不治治之非治之而治者也今許由方明既治則無所代之而治實由堯故有子治之言宜忘言以尋其所況而或者遂云治之而治者堯也不治而堯得以治者許由也斯失之遠矣夫治之由乎不治為之出乎無為也取於堯而足豈借之許由哉若謂拱默乎山林之中而後得稱無為者此莊老之談所以見棄於當塗當塗者自必於有為之域而不反者斯由之也○堯唐帝也許由隱人也隱於箕山潁川陽城槐里人字仲武嶠煠火小火也

字林云嶠炬火也

而我猶代子吾將為名乎名者實

之賓也吾將為賓乎

夫自任者對物而順物者與物無對故堯無對於天下而許由與稷

契為匹矣何以言其然耶夫與物冥者故羣物之所不能離也是以無心玄應唯感之從汎乎若不繫之舟東西之非已也故無行而不與百姓共者亦無往而不為天下之君矣以此為君若天之至高實君之德也若獨亢然立乎高山之頂非夫人有情於自守守一家之偏尚何得專此此故名中之一物而為堯之外臣耳若以外臣代乎內主斯有為君

鷦鷯巢於深林不過一枝偃

鼠飲河不過滿腹

性各有極苟足其極則餘天下之財也○鷦鷯小鳥一云桃雀偃鼠鼯鼠

也歸休乎君予無所用天下為

均之無用而堯獨有之明夫懷豁者無方故天

下樂推而不厭○乎君絕句一讀至乎字絕句君別讀

庖人雖不治庖尸祝不越

樽俎而代之矣

庖人尸祝各安其所司鳥獸萬物各足於所受帝堯許由各靜其所遇此乃天

下之至寶也各得其實又何所為乎哉自得肩吾問於

而已矣故堯許天地雖異其於逍遙一也

連叔曰吾聞言於接輿大而無當往而不反吾驚怖其言猶河漢而無極也大有逕庭不近人情焉連叔曰其言謂何哉曰藐姑射之山有神人居焉肌膚若冰雪綽

約若處子

此皆寄言耳夫神人即今所謂聖人也夫聖人雖在廟堂之上然其心無異於山林之中

世豈識之哉徒見其戴黃屋佩玉璽便謂足以纓紉其心矣見其歷山川同民事便謂足以懽悌其神矣豈知至至者之不虧哉今言至德之人而寄之此山將明世所無由識故乃託之於絕垠之外而推之於視聽之表耳處子者不以外傷內○逕徐古定反庭勅

定反逕庭謂微過也姑射山名在北海中

不食五穀

吸風飲露

俱食五穀而獨為神人明神人者非五穀所為而特稟自然之妙氣

乘雲氣御

飛龍而遊乎四海之外其神凝使物不疵癘而年穀熟

吾以是狂而不信也

夫體神居靈而窮理極妙者雖靜默聞堂之裏而玄同四海之表故

乘兩儀而御六氣同人羣而驅萬物苟無物而不順則浮雲斯乘矣無形而不載則飛龍斯御矣遺身而自得雖澹然而不待坐忘行忘忘而為之故行若曳枯木止若聚死灰是以云其神凝也其神凝則不凝者自得矣世皆齊其所見而斷之豈嘗信此哉連叔曰然瞽者無以與乎文章之觀

聾者無以與乎鍾鼓之聲豈唯形骸有聾盲哉夫知亦

有之

不知至言之極妙而以為狂而不信此知之聾盲也

是其言也猶時女也

謂此

接與之所言者自然為物所求但知之聾盲者謂無此理○時女猶處女也時女虛靜柔順和而不喧未嘗求人而為人之人也之德也將磅礴萬物以為一世蘄乎所求也

亂孰弊弊焉以天下為事

聖人之心極兩儀之至會窮萬物之妙數故能體化合變

無往不可磅礴萬物無物不然世以亂故求我我無心也我苟無心亦何為不應世哉然則體玄而極妙者其所以會通萬物之性而陶鑄天下之化以成堯舜之名者常以不為之耳孰弊弊焉勞神苦思以事為事然後能之人也物莫之傷
夫安於所傷則傷不能傷而物亦不傷之也
大浸稽

天而不溺大旱金石流土山焦而不熱

無往而不安則所在皆適死生

無變於已沉溺熱之間哉故至人之不嬰乎禍難非避之也推理直前而自然與吉會

是其塵垢

粃糠將猶陶鑄堯舜者也孰肯以物為事

堯舜者世事之名耳為名

者非名也故夫堯舜者豈直堯舜而已哉必有神

宋人之實焉今所稱堯舜者徒名其塵垢粃糠耳

資章甫而適諸越越人斷髮文身無所用之堯治天下

之民平海內之政往見四子藐姑射之山汾水之陽宵

然喪其天下焉

夫堯之無用天下為猶越人之無所用章甫耳然遺天下者固天下之所宗天

下雖宗堯而堯未嘗有天下也故宵然喪之而常遊心於絕冥之境雖寄坐萬物之上而未始不逍遙也四子者蓋寄言以明堯之不一於堯耳夫堯實冥矣其迹則堯也自迹觀冥外內異域未足怪也世徒見堯之為堯豈識其冥哉故將求四子於海外而據堯於所見因謂與物同波者失其所以逍遙也然未知至遠之所順者

更近而至高之所會者反下也若乃厲然以獨高為至而不夷乎俗者斯山谷之士非無待者也奚足以語至極而遊無窮哉○四子王倪齧缺惠子謂莊子曰魏王被衣許由甯武駢反甯然猶悵然

貽我大瓠之種我樹之成而實五石以盛水漿其堅不能自舉也剖之以為瓢則瓠落無所容非不呬然大也吾為其無用而掊之莊子曰夫子固拙於用大矣宋人有善為不龜手之藥者世世以泝泝統為事

其藥能令手不拘折

故常漂絮於水中也惠子姓惠名施為梁相魏王梁惠王貽遺也瓠徐音護實五石實中容五石盛音成瓠落猶廓落呬本作號號然虛大貌龜手文圻如龜文也又云如龜學縮也泝扶豎反泝普歷反統音橫小爾雅云

絮細謂之統
汧汧統者漂絮於水上

客聞之請買其方百金聚族而謀曰

我世世為汧汧統不過數金今一朝而鬻技百金請與之客得之以說吳王越有難吳王使之將冬與越人水戰大敗越人裂地而封之能不龜手一也或以封或不免於汧汧統則所用之異也今子有五石之瓠何不慮以為大樽而浮乎江湖而憂其瓠落無所容則夫子猶有蓬之心也夫

蓬非直達者也此章言物各有宜苟得其宜安往而不逍遙也○百金金方寸

重一斤為一金
百金百斤也

惠子謂莊子曰吾有大樹人謂之樗其

大本擁腫而不中繩墨其小枝卷曲而不中規矩立之塗匠者不顧今子之言大而無用衆所同去也莊子曰子獨不見狸狌乎卑身而伏以候教者東西跳梁不避高下中於機辟死於罔罟今夫鰲牛其大若垂天之雲此能為大矣而不能執鼠今子有大樹患其無用何不樹之於無何有之鄉廣莫之野彷徨乎無為其側逍遙乎寢卧其下不夭斤斧物無害者無所可用安所困苦哉

夫小小之物苟失其極則利害之理均用得其所則物皆逍遙也樗木名擁腫猶僵癭卷本又作拳同狌

音星猶也教五到反伺彼怠傲又作傲音遨謂伺遨翔之物而食之雞鼠之屬也蔡音離旄牛

齊物論第二

夫自是而非彼美已而惡人物莫不皆然然故是非雖異而彼我均也

南郭子綦隱几而坐仰天而噓嗒焉似喪其耦

同天人均彼我

故外無與為歡而嗒焉解體若失其配匹○南郭子綦音其居南郭因為號隱於斯反馮也

顏成子

游立侍乎前曰何居乎形固可使如槁木而心固可使

如死灰乎

死灰槁木取其寂寞無情耳夫任自然而忘是非者其體中獨任天真而已又何所有哉

故止若立枯木動若運槁枝坐若死灰行若游塵動止之容吾所不能一也其於無心而自得吾所不能一也

○顏成子游今之隱几者非昔之隱几者也

子游常見隱几者而

未見若

子綦曰偃不亦善乎而問之也今者吾喪我汝

知之乎

吾喪我我自忘矣我自忘矣天下有何汝聞人

籟而未聞地籟汝聞地籟而未聞天籟夫

籟簫也簫管

律故音短長高下萬殊之聲聲雖萬殊而所稟之度一

也然則優劣無所錯其間矣況之風物異音同是而咸

自取焉則天

地之籟見矣子游曰敢問其方子綦曰夫大塊噫氣其

名為風

塊者無物也噫氣者豈有物哉氣塊然而自噫

矣故遂以大塊為名○塊苦怪反大朴之貌淮南子作

大昧解者或以為無或以為元氣或以為混成或以為

天謬也噫乙是唯無作作則萬竅怒號

言風唯無作作則萬竅皆怒動

而為聲也。而獨不聞之。琴琴乎。長風之聲。○琴琴。聊山林之

畏佳。

大風之所扇動也。○畏佳音偉翠。

大木百圍之竅穴似鼻似口似

耳似枿似圈似臼似洼者似汚者。

此畧舉衆竅之所似。○似鼻似口言風吹

竅穴動作或似人鼻或似人口。枿音雞。又音肩。櫛櫛也。圈坏圈也。言如羊豕之闌圈也。似洼若洼曲汚若汚下

激者謫者叱者吸者叫者譟者突者咬者。

此畧舉衆竅之聲。珠○激

如水激也。謫音孝。若箭去之聲。司馬云。若謹謫聲。叱音七。若叱咄聲。吸若噓吸聲。叫若叫聲也。譟音豪。若譟哭

聲。突音杳。深也。若深突。前者唱于而隨者唱。喁冷風則

小和飄風則大和。

夫聲之宮商雖千變萬化。唱和大小莫不稱其所之。而各當其分。○于喁

聲之相和也

厲風濟則衆竅為虛

濟止也烈風作則衆竅實及其止則衆竅虛虛實

雖異其於各得則同

而獨不見之調調之刀刀乎

調調刀刀動搖貌也言物聲既

異而形之動搖亦又不同也動雖不同其得齊一耳豈調調獨是而刀刀獨非乎

子游曰地籟

則衆竅是已人籟則比竹是已敢問天籟子綦曰夫吹

萬不同而使其自己也

此天籟也夫天籟者豈復別有一物哉即衆竅比竹之屬接乎

有生之類會而共成一天耳無既無矣則不能生有有之未生又不能為生然則生生者誰哉塊然而自生耳自生耳非我生也我既不能生物物亦不能生我則我自自然耳自己而然則謂之天然天然耳非為也故以天言之以天言之所以明其自然也豈蒼蒼之謂哉而或者謂天籟役物使從已也夫天且不能自有況能有物

哉故天也者萬物之總名也莫適為天誰主咸其自取
後物乎故物各自生而無所出焉此天道也

怒者其誰也

物皆自得之耳誰主怒之使然哉此重明天籟也

大知閒閒小知

間間

此蓋知之不同○知音智

大言炎炎小言詹詹

此蓋言語之異

其寐也

魂交其覺也形開

此蓋寤寐之異

與接為構日以心鬪縵者害

者密者

此蓋交接之異○與接為構人道交接構結驩愛也縵未旦反寬心也害古孝反深也穴也按

穴地藏殺曰害

小恐惴惴大恐縵縵

此蓋恐悸之異

其發若機括其司

是非之謂也其留如詛盟其守勝之謂也

此蓋動止之異其殺

如秋冬以言其日消也

其裒殺日消有如此者○殺色界反

其溺之所為

之不可使復之也

其溺而遂往有如此者

其厭也如緘以言其老

洩也

其厭沒於欲老而愈洩有如此者

近死之心莫使復陽也

其慮患輕禍陰

結遂志有如此者○近附近之近復陽陽謂生也熱

喜怒哀樂慮嘆變熱姚佚啟

熊

此蓋性情之異者○補口義熱作熱熊作態

樂出虛蒸成菌

此蓋事變之異也自此以

上畧舉天籟之無方自此以下明無方之自然也物各自然不知所以然而然則形雖彌異自然彌同也○菌

其隕反

日夜相代乎前而莫知其所萌

日夜相代故以新也夫天地

萬物變化日新與時俱往何物萌之哉自然而然耳

已乎已乎旦暮得此其所由

以生乎

言其非彼無我非我無所取是亦近矣

彼自然也自然

生我我自然生故自然者而不知其所為使凡物云云
即我之自然豈遠之哉

非相為使也故任若有真宰而特不得其朕萬物萬情
之而理自至矣

若自真宰使之然也起索真宰之朕迹而可行已信今
亦終不得則明物皆自然無使物然也

行者信已而不見其形不見所以有情而無形情當其
可得行也

不別百骸九竅六藏賅而存焉付之自然而莫不皆存
見也

浪反案心肺肝脾腎謂之五藏大小腸旁胱三焦謂之
六府身別有九藏氣天地人天以候頭角之氣人候耳

目之氣地候口齒之氣三部各有天地人三三而九神
藏五形藏四故九今此云六藏未見所出賅古來反備

也吾誰與為親直自汝皆說之乎其有私焉皆說之則
存耳

也有私則不能賅而存矣故不說而自存不為而自如
生也○皆說音悅註同今本多即作悅字後皆放此如

是皆有為臣妾乎

若皆私之則志過其分上下相冒而
莫為臣妾矣臣妾之才而不安臣妾

之任則失矣故知君臣上下手足外
內乃天理自然豈直人之所為哉

其臣妾不足以相

治乎

夫臣妾但各當其分耳未為不足以相治也相治
也者若手足耳目四肢百體各有所司而更相御

用其遞相為君臣乎

夫時之所賢者為君才不應世者
為臣若天之自高地之自卑首自

在上足自居下豈有遞哉雖無
錯於當而必自當也○遞音第

其有真君存焉

任之而
自爾則

非偽也

如求得其情與不得無益損乎其真

凡得真性用
其自為者雖

復皂隸猶不顧毀譽而自安其業故知與不知皆自若
也若乃開希幸之路以下冒上物喪其真人忘其本則

毀譽之間俯仰失錯也

一受其成形不亡以待盡

言物各有分故知者守知以待

終而愚者抱愚以至死

與物相刃相靡其行盡如馳而

莫之能止不亦悲乎

羣品云云逆順相交各信其偏見而恣其所行莫能自反此比衆人

之所悲者亦可悲矣然而衆人未嘗以此為悲者性然故也

物各性然又何物足悲哉 終身役役

而不見其成功

夫物情無極知足者鮮故得此不止復逐於彼皆疲役終身未厭其志死而後

已故其成功者無時可見也

榮然疲役而不知其所歸可不哀耶

凡物

各以所好役其形骸至于疲困榮然不知所歸趣云何也○榮乃結反忘貌

人謂之不

死奚益

言其實與死同

其形化其心與之然可不謂大哀乎

言其

心形並馳困而不反比於凡人所哀則此真哀之大人也然凡人未嘗以此為哀則凡所哀者不足哀也

之生也固若是芒乎其我獨芒而人亦有不芒者乎凡事

皆不知所以然而然故曰芒也今夫知者皆不知所以知而自知矣生者不知所以生而自生矣萬物雖異至於生不由知則未有不同夫隨其成心而師之誰獨且者也故天下莫不芒也

無師乎夫心之足以制一身之用者謂之成心人自師其成心則人各自有師矣人各自有師故付之

而自奚必知代而心自取者有之愚者與有焉夫以成代不成

非知也心自得耳故愚者亦師其成心未成乎心而有未肯用其所謂短而舍其所謂長者也

是非是今日適越而昔至也今日適越昨日何由至哉未成乎心是非何由生哉

明夫是非者羣品之所不能無是以無有為有無有為故至人兩順之。昔者昨日也。

有雖有神禹且不能知吾獨且奈何哉。理無是非而或者以為有此以

無有為有也。或心已成雖聖人不夫言非吹也。言者有能解故付之自若而不強知也。

言各有所說故異於其所言者特未定也。我以為是而彼以為非彼

之所是而我又非之故未定果有言邪。以為有言邪然未足以有所定

其未嘗有言邪。以為無言邪則其以為異於聲音亦有據已已有言

辯乎其無辯乎。夫言與聲音其致一也有辯無辯誠未可定也天下之情不必同而所言不能

異故是非紛紜莫知所定道惡乎隱而有真偽言惡乎。○穀音穀鳥子欲出者也

隱而有是非道焉不在言何隱蔽而有道惡乎往而不

存皆言惡乎存而不可皆道隱於小成言隱於榮華夫

成榮華自隱於道而道不可隱則真偽是非者行故有

儒墨之是非以是其所非而非其所是儒墨更相是非

也故百家並起各私所見而未始出其方也欲是其所非而非其所是則莫

若以明夫有是有非者儒墨之所是也無是無非者儒

以儒墨反復相明反復相明則所是者非是而所非者

非非矣非非則無物無非彼物無非是物皆自是故無

非非是則無是

非是物皆相彼

故無非彼無非彼則天下無是矣無非是自彼則不見則天下無彼矣無彼無是所以玄同也

自知則知之故曰彼出於是是亦因彼

夫物之偏也皆不見彼之所見

而獨自知其所知自知其所知則自以為是自以為是則以彼為非矣故曰彼出於是是亦因彼彼是相因而生者彼是方生之說也雖然方生方死方死方生方可

方不可方不可方可因是因非因非因是

夫死生之變猶春夏秋冬夏

四時行耳故死生之狀雖異其於各安所遇一也今生者方自謂生為生而死者方自謂生為死則無生矣生者方自謂死為死而死者方自謂死為生則無死矣無生無死無可無不可故儒墨之辨吾所不能同也至於各冥其分吾是以聖人不由而照之于天亦因是

夫懷豁者

因天下之是非而自無是非也故不由是非之塗是亦而是非無患不當者直明其天然而無所奪故也

彼也

我亦為彼所彼

彼亦是也

彼亦自以為是

彼亦一是非此亦一是

非

此亦自是而非彼亦自是而非此此與彼各有一是一非於體中也

果且有彼是乎

哉果且無彼是乎哉

今欲謂彼為彼而彼復自是欲謂是為是而是復為彼所彼故彼是

有無未

彼是莫得其偶謂之道樞

偶對也彼是相對而聖人兩順之故無心

者與物冥而未嘗有對於天下也樞尺朱反樞要也此居其樞要而會其玄極以應夫無方也

樞始得

其環中以應無窮

夫是非反覆相尋無窮故謂之環環中空矣今以是非為環而得其中者

無是非也無是非故能應夫是非是非無窮故應亦無窮

是亦一無窮非亦一無

窮也

天下莫不自是而莫不相非故一是一非兩行故無窮唯涉空得中者曠然無懷乘之以遊也

曰莫若以明以指喻指之非指不若以非指喻指之非

指也以馬喻馬之非馬不若以非馬喻馬之非馬也天

地一指也萬物一馬也

夫自是而非彼彼我之常情也故以我指喻彼指則彼指於我

指獨為非指矣此以指喻指之非指也若覆以彼指還喻我指則我指於彼指復為非指矣此以非指喻指之非指也將明無是非非莫若反覆相喻反覆相喻則彼與我既同於自是又均於相非均於相非則天下無是與非同於自是則天下無非何以明其然耶是若果是則天下不得復有非之也非若果非亦不得復有是之也今是非無主紛然叢亂明此區區者各信其偏見而同於一致耳仰觀俯察莫不皆然是以至人知天地一指也

萬物一馬也故浩然大寧而天地萬物各當其分同於自得而無是無非也○天地一指也萬物一馬也指百體之一體馬可乎可即謂之可不可乎不可者即謂之萬物之一物

不道行之而成無不物謂之而然無不惡乎然然於然

惡乎不然不然於不然物故有所然物固有所可各然其所

然各可其所無物不然無物不可故為是舉莛與楹厲與西

施恢嵬惝怪道通為一夫莛橫而楹縱厲醜而西施好所謂齊者豈必齊形狀同規矩

哉故舉縱橫好醜恢嵬惝怪各然其所然各可其所可則形雖萬殊而性同得故曰道通於一也○無物不然無物不可於不可而可於可莛音挺屋梁也楹音盈屋柱也厲如

字惡也

其分也成也

夫物或此以為散而彼以為成。分如字。

其成也毀也

之我

所謂成而彼或謂之毀

凡物無成與毀復通為一

夫成毀者生於自見而不見彼

也故無成與毀猶無是與非也

唯達者知通為一為是不用而寓諸庸

庸也者用也用也者通也通也者得也

夫達者無滯於一方故忽然自

忘而寄當於自用自用者莫不條暢而自得也

適得而幾矣

幾盡也至理盡於自得也

因是

已達者因而不作

已而不知其然謂之道

夫達者之因是豈知因為善而因之哉不

知所以因而自因耳故謂之道也

勞神明為一而不知其同也謂之朝

三何謂朝三日狙公賦茅曰朝三而暮四衆狙皆怒曰

然則朝四而暮三衆狙皆悅名實未虧而喜怒為用亦

因是也

夫達者之於一豈勞神哉若勞神而於為一不足賴也與彼不一者無以異矣亦同衆狙之感

因所好而自是也○狙公典狙官也茅音序橡子也朝三暮四朝三升暮四升也

是以聖人和

之以是非而休乎天鈞

莫之偏任故付之自鈞而止也

是之謂兩行

任天

下之是非

古之人其知有所至矣惡乎至有以為未始有物

者至矣盡矣不可以加矣

此忘天地遺萬物外不察乎宇宙內不覺其一身故能曠

然無累與物俱往而無所不應也

其次以為有物矣而未始有封也

雖未

都忘猶能忘其彼此其次以為有封焉而未始有是非也

雖未能忘彼此

猶能忘彼此
之是非也

是非之彰也道之所以虧也

無是非道之乃全也

所以虧愛之所以成

道虧則情有所偏而愛有所成未能忘愛釋私玄同彼我也

果

且有成與虧乎哉果且無成與虧乎哉

有之與無斯不能知乃至有

成與虧故昭氏之鼓琴也無成與虧故昭氏之不鼓琴

也

夫聲不可勝舉也故吹管操弦雖有繁手遺聲多矣而執籥鳴弦者欲以彰聲也彰聲而聲遺不彰聲而

聲全故欲成而虧之者昭文之鼓琴也不成而無虧者昭文之不鼓琴也○昭文古善琴者

昭文之

鼓琴也師曠之技策也惠子之據梧也三子之知幾乎

幾盡也夫三子者皆欲辨非已所明以明之故知盡慮窮形勞神倦或枝策假寐或據梧而瞑皆其盛

者也故載之末年

○賴其盛故能久不爾早困也故載之末年書之於今也唯其好

之也以異於彼

言此三子唯獨好其所明自以殊於衆人

其好之也欲以明

之明示衆人欲使

同乎我之所好彼非所明而明之故以堅白之昧終

是猶對牛鼓簧耳彼竟不明故已之道術終

於昧然也○公孫龍有淬劍之法謂之堅白而其子又

以文之綸終終身無成

昭文之子又乃終文之緒亦卒不成○綸音倫琴瑟弦也

若

是而可謂成乎雖我亦成也

此三子雖求明於彼彼竟不明所以終身無成若三

子而可謂成則雖我

之不成亦可謂成也若是而不可謂成乎物與我無成

也

物皆自明而不明彼若彼不明即謂不成則萬物皆相與無成矣故聖人不顯此以耀彼不捨已而逐物

從而任之各冥其所能故曲成而不遺也今三子欲以已之所好明示於彼不亦妄乎是故滑疑

之耀聖人之所圖也為是不用而寓諸庸此之謂以明

夫聖人無我者也故滑疑之耀則圖而域之恹恹惛怪則通而一之使羣異各安其所安衆人不失其所是則已不用於物而萬物之用用矣物皆自用則孰是孰非哉故雖放蕩之變屈奇之異曲而從之寄之自用則用雖萬殊歷然自明○滑亂也今且有言於此不知其與是類乎其與

是不類乎類與不類相與為類則與彼無以異矣

今以言無

是非則不知其與言有者類乎不類乎欲謂之類則我以無為是而彼以無為非斯不類矣然此雖是非不同亦固未免於有是非也則與彼類矣故曰類與不類又相與為類則與彼無以異也然則將大不類莫若無心

既遣是非又遣其遣遣之又遣之以至於雖然請嘗言

之至理無言言則與有始也者有始則有未始有始也

者謂無終始有未始有夫未始有始也者夫一之者未

齊斯又忘有有也者有有則美惡有無也者有無而未

則是非好惡有未始有無也者知無無矣而有未始有

夫未始有無也者俄而有無矣而未始有無之果孰有

孰無也此都忘其知也爾乃俄然始了無耳了今我則

已有謂矣謂無是非而未知吾所謂之其果有謂乎其

果無謂乎

又不知謂之有無爾乃蕩然無纖芥於胷中也

天下莫大於秋毫之

末而太山為小莫壽乎殤子而彭祖為天天地與我並

生而萬物與我為一

夫以形相對太山大於秋毫也若各據其性分物冥其極則形大未

為有餘形小不為不足苟各足於其性則秋毫不獨小其小而太山不獨大其大矣若以性足為大則天下之足未有過於秋毫也若性足者非大則雖太山亦可稱小矣故曰天下莫大於秋毫之末而太山為小太山為小則天下無大矣秋毫為大則天下無小也無小無大無壽無天是以螻蛄不羨大椿而欣然自得斤鷄不貴天地而榮願以足苟足於天然而安其性命故雖天地未足為壽而與我並生萬物未足為異而與我同得則天地之生又何不並萬物之得又何不一哉

既已為一矣且得有言乎

萬萬物形

同於自得其一也 既已謂之一矣且得無言乎夫名謂生

已自一矣理無所言 於不明者也物或不能自明其一而以此逐 一與言為 彼故謂一以正之既謂之一即是有言矣

二二與一為三自此以往巧歷不能得而況其凡乎以夫

言言一而一非言也則一與言為二矣一既一矣言又 二之有一有二得不謂之三乎夫以一言言一猶乃成

三況尋其支流凡物殊稱雖有善數莫之能紀 故自無 也故一之者與彼未殊而忘一者無言而自一

適有以至於三而況自有適有乎夫一無言也而有言則至三況尋其末數

其可無適焉因是已各止於其所 夫道未始有封宜然

窮乎能乃最是也 也 言未始有常彼此言之故 為是而有畛也道無封故

是非無定主 萬物得恣

其分域。○為于偽反。畛請言其畛有左有右。各異便也。有左有右。

崔本作有。有倫有義。事物有理。有分有辯。羣分而類。別有。有在宥。事事有宜。

競有爭。並逐曰競。對辨曰爭。此之謂八德。畧而判之。有此八德。六合之外聖

人存而不論。夫六合之外。謂萬物性分之表耳。夫物之性表。雖有理存焉。而非性分之內。則未嘗

以惑聖人也。故聖人未嘗論之。若論之。則是引萬物。六使學其所不能也。故不論其外。而八畛同於自得也。

合之內。聖人論而不議。陳其性而安之。春秋經世。先王之志。聖

人議而不辯。順其成迹。而擬乎至當之極。不執其所是。以非衆人也。故分也者。有

不分也。辯也者。有不辯也。夫物物自分。事事自別。而欲由已以分別之者。不見彼之。

也自別曰何也聖人懷之以不辯為懷衆人辯之以相示

也故曰辯也者有不見也耳聖人無懷衆人辯之以相示不見彼之自辯故夫大道不

稱付之自然無所稱大辯不言已自大仁不仁無愛而

大廉不嗛夫至足者物之去來非我也故無所容其嗛

滿之意國語曰嗛嗛之德不盈補嗛滿也大勇不忮無往而不順故

足就也言其自小即此嗛字能無險而不往

○忮之道昭而不道失矣以此明彼彼此俱言辯而不及

不能及其自分仁常而不成物無常愛而廉清而不信皦然廉

者耳非之無敢舉足之地也五者園而幾

向方矣

此五者皆以有為傷當也不能止乎本性而求外無已夫外不可求而求之譬猶以圓學方以

魚慕鳥耳雖希翼鸞鳳擬規日月此愈近彼愈遠實學彌得而性彌失故齊物而偏尚之累去矣園五九反圓

也向方本亦作嚮

故知止其所不知至矣

所不知者皆性分之外也故止於所知之

內而

孰知不言之辯不道之道若有能知此之謂天府

浩然都任之也

注焉而不滿酌焉而不竭

至人之心若鏡應而不藏故曠然無盈虛

之變也

而不知其所由來

至理之來自然無迹

此之謂葆光

任其自明故其

光不弊也○葆音保若有若無謂之葆光

故昔者堯問於舜曰我欲伐宗脰

胥敖南面而不釋然其故何也

於安任之道未弘故聽朝而不怡也將寄明齊

一之理於大聖故發至怪之間以起對也○宗
膾胥教三國名也宗一也膾二也胥教三也
舜曰夫

三子者猶存乎蓬艾之間
夫物之所安無陋也則若不
蓬艾乃三子之妙處也

釋然何哉昔者十日並出萬物皆照
夫重明登天六合俱照無有蓬艾而

不光而況德之進乎日者乎
夫日月雖無私於照猶有
被也而況德之進乎日者乎
所不及德則無不得也而

今欲奪蓬艾之願而伐使從已於至道豈弘哉故不釋
然神解耳若乃物暢其性各安其所使無遠近幽深付
之自若皆得其極則彼
齧缺問乎王倪曰子知物之所
無不當而我無不怡也

同是乎曰吾惡乎知之
所同未必是所異不獨非而彼
我莫能相止故無所用其知○

高士傳曰王倪堯時賢人
子知子之所不知邪曰吾惡
也天地篇云齧缺之師

乎知之

若自知其所不知即為有知然則物無知邪曰

吾惡乎知之

然無所任矣雖然嘗試言之以其不知故未敢正言試

言之庸詎知吾所謂知之非不知邪

魚遊於水水物所同咸謂之知然自

魚觀之則向所謂知者復為不知矣夫蜷蛭之知非於轉九而笑蜷蛭者乃以蘇合為貴故所同之知未可正

據○爾雅云蜷蛭蛭也

庸詎知吾所謂不知之非知邪所謂不知者直是不知

同耳亦自一家之知

且吾嘗試問乎女已不知其正民溼寢則腰

疾偏死鰭然乎哉木處則惴惴恂懼猿猴然乎哉三者

孰知正處

此畧舉三者以明萬物之異便○偏死偏枯死也鰭音秋魚名惴之瑞反慄音栗恂音荀

民食芻豢麋鹿食薦蚬且甘帶鵲鴉耆鼠四者孰知正

味

此畧舉四者以明美惡之無主○小爾雅云杆謂之芻杆音古但反牛羊曰芻犬豕曰豢以所食得名也

薦美草也郭璞云三蒼云六畜所食曰薦蚬音即且字或作蛆蟲名也廣雅云蜈蚣也爾雅云蒺藜蚬蛆郭璞註云似蝗大腹長角能食蛇腦蒺音疾藜音黎帶如字蛇也蚬蛆好食其眼鵲尺夷反鴉本亦作鵲於加反烏也耆市志反 猿獼狙以為雌麋與鹿交鰭與魚游毛嬙麗姬人

之所美也魚見之深入鳥見之高飛麋鹿見之決驟四者

孰知天下之正色哉

此畧舉四者以明天下所好之不同也

同之必是○獼狙一名獼狙一名獼狎其雄意與猿雌為牝牡以猿為雌也毛嬙古美人麗姬晉獻公之嬖以

為夫自我觀之仁義之端是非之塗樊然殽亂吾惡能

知其辯

夫利於彼者或害於此而天下之彼我無窮則是非之竟無常故唯莫之辯而任其自是然後

蕩然

俱得齧缺曰子不知利害則至人固不知利害乎

未能妙其

不知故猶嫌至人當知之斯懸之未解也

王倪曰至人神矣

無心而無不順

大澤焚

而不能熱河漢涸而不能寒疾雷破山風振海而不能

驚

夫神全形具而體與物冥者雖涉至變而未始非我故蕩然無蕪介於胷中也

若然者乘雲

氣

寄物而行

騎日月

有晝夜而無死生也

而遊乎四海之外

夫唯無其

知而任天下之自為故馳萬物而不窮也

死生無變於已

與變為體故死生若一

而況

利害之端乎

況利害於死生愈不足以介意

瞿鵲子問乎長梧子曰吾

聞諸夫子聖人不從事於務

務自來而理自應耳非從而事之也長梧子居長梧

下因以為名名丘封人也瞿鵲之師

不就利不違害

任而直前無所避就

不喜求

求之

不喜直取不怒

不緣道

獨至者也

無謂有謂有謂無謂

凡有稱謂者皆非吾所謂

也彼各自謂耳故無彼有謂而有此無謂也

而遊乎塵垢之外

凡非真性皆塵垢也

夫

子以為益浪之言而我以為妙道之行也吾子以為奚

若長梧子曰是黃帝之所聽熒也而丘也何足以知之

且女亦大早計見卵而求時夜見彈而求鶚炙

夫物有自然理

有至極循而直往則冥然自合非所言也故言之者孟浪而聞之者聽熒雖復黃帝猶不能使萬物無懷而聽熒至竟故聖人付當於塵埃之外而玄合乎視聽之表照以天而不逆計放之自爾而不推明也今瞿鵠子方聞孟浪之言便以為妙道之行斯亦無異見卵而責司夜之功見彈而求鶚炙之實也夫不能安時處順而探變求化當生而慮死執是以辯非皆逆計之徒也○孟浪音漫亂無所趣舍之謂聽熒疑惑也時夜司夜謂雞也彈徒且反鶚于驕反小鳩可炙毛詩予嘗為女妄言草木疏云大如班鳩綠色其肉甚美

之言之則孟浪也故試妄言之○為于偽反女以妄聽之奚若正聽妄言復

亦妄聽旁日月挾宇宙以死生為晝夜旁日月之喻也之何

○旁薄葬反依也尹子云天地四方曰宇為其脗合置往古來今曰宙說文云舟與所極覆曰宙

其滑潛以隸相尊

以有所賤故尊卑生焉而滑潛紛亂莫之能正各自是於一方矣故為昭

然自合之道莫若置之勿言委之自爾也昭然無波際之謂也昭音泯無波際之貌一云合也音脣云若兩脣

之相合也滑古沒反亂也潛音昏衆人役役馳驚於是聖人愚茫然

而直往之貌○茫參萬歲而一成純純者不雜者也夫

治本反厚貌也而衆人謂之雜矣故役役然勞形怵心而去彼就此唯

大聖無執故茫然直往而與變化為一一變化而常游

於獨者也故雖參揉億載千殊萬異道行之而成則古

今一成也物謂之而然則萬物一然也無物不然無時

謂純也萬物盡然無物而一是相蘊蘊積也積是於

是也積然於萬物則萬物盡然也故不知予惡乎知說

死生先後之所在彼我勝負之所如也

生之非惑邪

死生一也而獨說生欲與變化相背故未知其非惑也

予惡乎知惡

死之非弱喪而不知歸者邪

少而失其故居名為弱喪天弱喪者遂安於所在而

不知歸於故鄉也焉知生之非夫弱喪焉知死之非夫還歸而惡之哉

麗之姬艾封人之

子也晉國之始得之也涕泣沾襟及其至於王所與王

同筐牀食芻豢而後悔其泣也

一生之內情變若此當此之日則不知彼況夫

死生之變惡能相知哉○至於王所謂獻公為王也筐牀安牀也

予惡乎知夫死者不

悔其始之蘄生乎

蘄求也○蘄音祈

夢飲酒者且而哭泣夢哭

泣者且而田獵

此寤寐之事變也事苟變情亦異則死生之願不得同矣故生時樂生則死時

樂死矣死生雖異其於各得所願一也則何係哉

方其夢也不知其夢也

由此觀之

當死之時亦不知其死而自適其志也

夢之中又占其夢焉

夫夢者乃復夢中占其夢

則無以異於寤者也

覺而後知其夢也且有覺而後知此其大

夢也

夫大覺者聖人也大覺者乃知大患慮在懷者皆未寤也

而愚者自以為覺竊

竊然知之君乎牧乎固哉

夫愚者大夢而自以為寤故竊竊然以所好為君上而所

惡為牧固欣然信一家之偏見可為固陋矣。竊竊猶察察也

丘也與女皆夢也

未能忘言

而神解故予謂女夢亦夢也

即復夢中之占夢也夫自以為夢猶未寤也況竊竊

然自以為覺哉是其言也其名為弔詭

夫非常之談故非常人

為覺哉

詭而不識其懸解。○弔音的至也。詭九委反。異也。

萬世之後而一遇大聖知其

解者是旦暮遇之也。

言能蛇然無係而玄同死生者至希也。

既使我與若

辯矣。若勝我。我不若勝。若果是也。我果非也。邪。我勝。若

若不吾勝。我果是也。而果非也。邪。

若而皆汝也。

其或是也。其

或非也。邪。其俱是也。其俱非也。邪。我與若不能相知也。

則人固受其黜闇。吾誰使正之。

不知而後推不見而後辯。辯之而不足以自信。

以其與物對也。辯對終日。黜闇至竟莫能正之。故當付之自正耳。○黜闇貪闇反。不明貌。

使同乎若

者。正之既與若同矣。惡能正之。使同乎我者。正之既同。

乎我矣惡能正之

同故是之未足信也

使異乎我與若者正之既

異乎我與若矣惡能正之

異故相非耳亦不足據

使同乎我與若

者正之既同乎我與若矣惡能正之

是若果是則天下不得有非之者也

非若信非則亦無緣復有是之者也今是其所同而非其所異同既具而是非無主故夫是非者生於好辯而休乎天鈞付之兩行而息乎自正也然則我與若與人俱不能相知也

而待彼也邪

各自正耳待彼不足以正此則天下莫能相正也故付之自正而至矣

何謂

和之以天倪

天倪者自然之分也

曰是不是然不然是若果是也

則是之異乎不是也亦無辯然若果然也則然之異乎

不然也亦無辯

是非然否彼我更對故無辯無辯故和之以天倪安其自然之分而已不待彼

以正

化聲之相待若其不相待

是非之辯為化聲夫化聲之相待俱不足以相

正故若不

和之以天倪因之以曼衍所以窮年也

和之以自

然之分任其無極之化尋斯以往則是非之境自泯而性命之致自窮也○曼衍無極也

忘年忘義

振於無竟故寓諸無竟

夫忘年故玄同死生忘義故彌貫是非是非死生蕩而為一斯

至理也至理暢於無極故寄之者不得有窮也

罔兩問景曰曩子行今子止曩

子坐今子起何其無特操與

罔兩景外之微陰也

景曰吾有待而

然者邪

言天機自爾坐起無待無待而獨得者孰知其故而責其所以哉

吾所待又有

待而然者邪

若責其所待而尋其所由則尋責無極卒至於無待而獨化之理明矣

吾待

蛇蚺蜩翼邪

若待蛇蚺蜩翼則無特操之所由未為難識也今所以不識正由不待斯類而獨化

故耳蛇蚺音附謂蛇腹下齟齬可以行者也蜩音條

惡識所以然惡識所以不然

世或謂罔兩待景景待形形待造物者請問夫造物者有邪無邪無也則胡能造物哉有也則不足以物衆形故明乎衆形之自物而後始可與言造物耳若以步有物之域雖復罔兩未有不獨化於玄冥者也故造物者無主而物各自造物各自造而無所待焉此天地之正也故彼我相因形景俱生雖復玄合而非待也明斯理也將使萬物各反所宗於體中而不待乎外外無所謝而內無所矜是以蕃然皆生而不知所以生同焉皆得而不知所以得也今罔兩之因景猶云俱生而非待也則萬物皆聚而共成乎天而皆歷然莫不獨見矣故罔

兩非景之所制而景非形之所使形非無之所化也則
化與不化然與不然從人之與由己莫不自爾吾安識
其所以哉故任而不助則本末內外暢然俱得泯然無
迹若乃責此近因而忘其自爾宗物於外喪主於內而
愛尚生矣雖欲推而齊之然其所
尚已存乎胷中何夷之得有哉 昔者莊周夢為胡蝶

栩栩然胡蝶也自喻適志與

蝶蛺蝶也栩栩況羽反喜

貌不知周也

方其夢為胡蝶而不知周則與殊死不異也然所在無不適志則當生而係生者必

當死而戀死矣由此觀之俄然覺則遽遽然周也自周知夫在生而哀死者誤也而言

故稱覺耳未
必非夢也

不知周之夢為胡蝶與胡蝶之夢為周與

今之不知胡蝶無異於夢之不知周也而各適一時之志則無以明胡蝶之不夢為周矣世有假寐而夢經百

年者則無以明今之百年非假寐之夢者也

周與胡蝶則必有分矣

夫覺夢之分無

異於死生之辯也今所以自喻適志由其分定非由無分也

此之謂物化

夫時不暫掉而今不

遂存故昨日之夢於今化矣死生之變豈異於此而勞心於其間哉方為此則不知彼夢為胡蝶是也取之於人則一生之中今不知後麗姬是也而愚者竊竊然自以為知生之可樂死之可苦未聞物化之謂也

莊子注卷一

欽定四庫全書

莊子注卷二

晉 郭象 注

養生主第三

夫生以養存則養生者理之極也若乃養過其極以養傷生非養生之主

也

吾生也有涯

所稟之分各有極也

而知也無涯

夫舉重攜輕而神氣自若此力之所

限也而尚名好勝者雖復絕膂猶未足以慊其願此知之無涯也故知之為名生於失當而滅於冥極冥極者任其至分而無毫銖之加是故雖負萬鈞苟當其所能則忽然不知重之在身雖應萬機泯然不覺事之在已此養生之主也

也○知音智

以有涯隨無涯殆已

以有限之性尋無極之知安得而不困哉

已而為知者殆而已矣

已困於知而不知止又為知以救之斯養而傷之者真大殆也

為善無近名為惡無近刑

忘善惡而居中任萬物之自為悶然與至當為一故刑名

遠已而全理在身也

緣督以為經

順中也為常也。緣順也督中也經常也

可以保身

可以全生可以養親

養親以適。養羊尚反

可以盡年

苟得中而冥度則事

事無不可也夫養生非求過分蓋全理盡年而已矣

庖丁為文惠君解牛手之所

解肩之所倚足之所履膝之所跂砉然騞然奏刀騞然

莫不中音合於桑林之舞乃中經首之會

言其因便施巧無不開解

盡理之甚既適牛理又合音節。庖人丁其名也管子有屠牛坦一朝解九牛刀可剝毛為于偽反文惠君梁

惠王也。𦵏音畫。皮骨相離。聲奏如字開也。騶音近。獲聲大於𦵏也。中丁仲反。下皆同。桑林宋舞樂名。案即左傳舞師題以旌夏是也。文惠君曰。謔善哉。技蓋至此乎。庖

丁釋刀對曰。臣之所好者道也。進乎技矣。

直寄道理於技耳。所好者

非技也。○謔音熙。歎聲也。

始臣之解牛之時。所見無非牛者。

未能見其理間

三年之後。未嘗見全牛也。

但見其理間也。

方今之時。臣以神遇

而不以目視。

間與理會。○神遇向云。間與理會。謂之神遇。

官知止而神欲行。

司察之官。廢縱心而順理。

依乎天理。

不橫截也。

批大郤。

有際之處。因而批之。令離。○批鋪迷

反擊也。郤音却。

導大窾。

節解窾空就導令殊。○窾苦管反。空也。

因其固然。

刀不加妄。技

經肯綮之未嘗

技之妙也常遊刃於空未嘗經槩於微礙也○肯若等反著骨肉也肯著也綮

音啟猶結處也

而況大軻乎

軻戾大骨𩑦刀肉也○軻音孤軻戾大骨也

良庖歲更

刀割也

不中其理間也○歲一易刀猶堪割也

族庖月更刀折也

中骨而折刀也

○族衆也

今臣之刀十九年矣所解數千牛矣而刀刃若新

發於硎

硎砥石也○硎音刑磨石也

彼節者有間而刀刃者無厚以

無厚入有間恢恢乎其於遊刃必有餘地矣是以十九

年而刀刃若新發於硎雖然每至於族吾見其難為

文錯

聚結為族

怵然為戒視為止

不復屬目於他物也○為于偽反下皆同

行為遲

徐其

也手動刀甚微譟然已解

得其宜則用力如土委地而理解

刀迹若提刀而立為之四顧為之躊躇滿志

逸足容豫自得之謂

聚土也

○躊躇直留反

善刀而藏之

拭刀而藏之也文惠君曰善

哉吾聞庖丁之言得養生焉

以刀可養故

公文軒見右

師而驚曰是何人也惡乎介也

介偏別之名○公文姓

師宋人也介音戒

一音兀偏別也天與其人與

知之所無奈何天曰天

也非人也天之生是使獨也

偏別曰獨夫師一家之知

之無所奈何若以右師之知而必求兩全則人之貌有

與也

兩足共行曰有與有與之貌未有疑其非命也以是知其天也非人也

有以

與者命也故知獨者亦非我也是以達生之情者不務生之所無所為達命之情者不務命之所無奈何也全

其自然

澤雉十步一啄百步一飲不斲畜乎樊中

斲求也樊

所以籠雉也夫俯仰乎天地之間逍遙乎自得之場固養生之妙處也又何求於入籠而服養哉○樊中藩也所以籠神雖王不善也

夫始乎適而未嘗不適者忘適也雖心神長王志氣盈豫而自

放於清曠之地忽然不覺善之為善也○王于況反

老聃死秦失弔之三號而出

人弔亦弔人號亦號○老聃老子也

弟子曰非夫子之友邪

怪其不倚戶觀化乃至三

號曰然然則弔焉若此可乎曰然

至人無情與衆號耳故若斯可也

始

也吾以為其人也而今非也向吾入而弔焉有老者哭

之如哭其子少者哭之如哭其母彼其所以會之必有

不斷言而言不斷哭而哭者嫌其先物施惠不在理上住故致此甚愛也是

遁天倍情忘其所受天性所受各有本分不可逃亦不可加古者謂之遁

天之刑感物太深不止於當遁天者也將馳騫於憂適樂之境雖楚戮未加而性情已困庸非刑哉適

來夫子時也時自生也適去夫子順也理當死也安時而處順哀

樂不能入也夫哀樂生於失得也今玄通合變之士無時而不安無順而不處冥然與造化為一

則無往而非我矣將何得何失孰死孰生哉故任其所受而哀樂無所錯其間矣古者謂是帝

之縣解

以有係者為縣則無係者縣解也縣解而性命之情得矣此養生之要也○縣音玄解音蟹以

生為縣以死為解

指窮於為薪火傳也

窮盡也為薪猶前薪也前薪以指指盡前薪之

理故火傳而不滅心得納養之中故命續而不絕明夫養生乃生之所以生也○為猶前也傳者相傳繼續也

不知其盡也

夫時不再來今不一停故人之生也一息一得耳向息非今息故納養而命續前火

非後火故為薪而火傳火傳而命續由夫養得其極也世豈知其盡而更生哉補此死生之喻也夫以薪熾火指薪而觀之則薪有窮盡之時而世間之火自古及今傳而不絕未始有盡也

人間世第四

與人羣者不得離人然人間之變故世世異宜唯無心而不自用者為能

隨變所適而不荷其累也

顏回見仲尼請行曰奚之曰將之衛曰奚為焉曰回聞

衛君其年壯其行獨

不與民同欲也

輕用其國

夫君人者動必乘人一怒則伏

尸流血一喜則軒冕塞路故君人者之用國不可輕也

而不見其過

莫敢諫也

輕用民

死

輕用之於死也

死者以國量乎澤若蕉

舉國而輸之死地不可稱數視之若草芥

也

民其無如矣

無所依歸

回嘗聞之夫子曰治國去之亂國

就之醫門多疾願以所聞思其則庶幾其國有瘳乎仲

尼曰諱若殆往而刑耳

其道不足以救彼患

夫道不欲雜

宜正得其人

雜則多多則擾擾則憂憂而不救

若夫不得其人則雖百醫守病適足致疑

而不能一愈也

古之至人先存諸已而後存諸人

有其具然後可以接物也

所存於已者未定何暇至於暴人之所行

物而不虛心以應

犯難故知其所存於已者未定也夫唯外其知以養真寄妙當於羣才功名歸物而慮慮遠身然後可以至於

暴人之所行也

且若亦知夫德之所蕩而知之所為出乎哉德

蕩乎名知出乎爭

德之所以流蕩者矜名故也知之所以橫出者爭善故也雖復桀跖其所

矜惜無非名善也

名也者相軋也知也者爭之器也二者凶器

非所以盡行也

夫名知者世之所用也而名起則相軋知用則爭興故遺名知而後行可盡也

○軋則列反折也天也

且德厚信礅未達人氣名聞不爭未達人

心而彊以仁義繩墨之言述暴人之前者是以人惡有

其美也

夫投人夜光鮮不按劍者未達故也今回之德信與其不爭之名彼所未達也而強以仁義繩

墨於彼彼將謂回欲毀人以自成也是故至人不役志以經世而虛心以應物誠信著於天地不爭揚於萬物然後萬物歸懷天地不逆故德音發而天下嚮會景行彰而六合俱應而後始可以經寒暑涉治亂而不與逆鱗迓也○

砭命之曰菑人菑人者人必反菑之

適不信受則謂

與已爭名而反害之○菑音災下皆同

若殆為人菑夫且苟為悅賢而惡

不肖惡用而求有以異

苟能悅賢惡愚聞義而服便為明君也苟為明君則不苦無賢

臣汝往亦不足復奇如其不爾往必受害故以有心而往無往而可無心而應其應自來則無往而不可也

若唯無詔王公必將乘人而鬪其捷

汝唯有寂然不言耳言則王公必乘

人以君人之勢而鬪其捷辨以距諫飾非也○詔絕句王公必將乘人絕句而鬪其捷在接反崔讀若唯無詔

王公絕句必將乘人而鬪絕句

而目將焚之

其言辨捷使人眼眩

而色將平之

不能

復自異於彼也

口將營之

自救解不暇

容將形之心且成之

乃且釋已以從

彼也○容將形之謂擊蹠也

是以火救火以水救水名之曰益多

適不

能救乃更足

順始無窮

尋常守故未肯變也

若殆以不信厚言必

死於暴人之前矣

未信而諫雖厚為害

且昔者桀殺關龍逢紂殺

王子比干是皆修其身以下偃拊人之民以下拂其上

者也

居下而任上之憂比干非其事也。○關龍逢夏桀之賢臣王子比干殷紂之叔父下退嫁反偃紂甫

反拊徐句音撫李云偃拊謂齊愛之也崔云猶嘔啍謂養也拂符弗反崔云違也又勞弗反故其君

因其修以擠之是故名者也

○不欲令臣有勝君之名也擠徐子計反又子體反

司馬云毒也亦云陷也方言云滅也簡文云排也好呼報反令力呈反

昔者堯攻叢枝胥

敖禹攻有扈國為虛厲身為刑戮其用兵不止其求實

無已是皆求名實者也而獨不聞之乎

夫暴君非徒求恣其欲乃復求

名但所求者非其道耳

名實者聖人之所不能勝也而況若乎

惜名

貪欲之君雖復堯為不能勝化也故與衆攻之而汝乃欲空手而往化之以道哉

雖然若必有

以也嘗以語我來顏回曰端而虛

正其形而虛其心也

勉而一遜

而不貳也則可乎曰惡惡可

言未可也○惡皆音烏下同

夫以陽為充孔

揚言衛君亢陽之性充張於內而甚揚於外強禦之至也

采色不定喜怒無常

常人之

所不違

莫之敢逆

因案人之所感以求容與其心

夫頑強之甚人以快

事感已已陵藉而乃抑挫之以求從容自故而遂其侈心也

名之曰日漸之德不成

而況大德乎

言乃少多無回降之勝也

將執而不化

故守其本意也

外合而

內不訾其庸詎可乎

外合而內不訾即向之端虛而勉一耳言此未足以化之

然則

我內直而外曲成而上比

○顏回更說此三條也上時掌反下同

內直者

與天為徒與天為徒者知天子之與已皆天之所子而

獨以已言蘄乎而人善之蘄乎而人不善之邪

物無貴賤得生

一也故善與不善付之公當耳一無所求於人也○蘄音祈

若然者人謂之童子是

之謂與天為徒

依乎天理推已性命若嬰兒之直往也

外曲者與人之為

徒也擊跽曲拳人臣之禮也人皆為之吾敢不為邪為

人之所為者人亦無疵焉是之謂與人為徒

外形委曲隨人事之

所當為也○擊其驚反跽其里反說文云長跪也拳音權

成而上比者與古為徒

成於

今而比於古也

其言雖教適之實也

雖是當教有諷責之旨

古之有也非

吾有也若然者雖直不為病

寄直於古故無以病我也

是之謂與古

為徒若是則可乎仲尼曰惡惡可大多政法而不謀

當理

無二而張三條以政之與事不冥也

雖固亦無罪

雖未弘大亦且不見咎責

雖然止是

耳矣夫胡可以及化

罪則無矣化則未也

猶師心者也

挾三術以適彼非無

心而付之天下也

顏回曰吾無以進矣敢問其方仲尼曰齊吾

將語若有而為之其易邪

夫有其心而為之者誠未易也○齊側皆反下同

易

之者睥天不宜

以有為為易未見其宜也○睥天自然也

顏回曰回之家貧

唯不飲酒不如葷者數月矣若此則可以為齊乎曰是

祭祀之齊非心齊也。回曰：敢問心齊。仲尼曰：若一志。去異

端而任無聽之以耳而聽之以心，無聽之以心而聽之。獨也

以氣聽，止於耳；心止於符氣也者，虛而待物者也。遺耳目去

心意而符氣性之自唯道集虛。虛者，心齊也。虛其心則至道集於

懷顏回曰：回之未始得使，實自回也。未始心齊故有其身。未始得使絕

句得使之也。未始有回也。既得心齊之可謂虛乎？夫子

曰：盡矣。吾語若若能入遊其樊而無感其名，放心自得之場當於

實而入則鳴，不入則止。譬之官商應而無心故曰鳴也。夫無心而應者任彼耳不強應

也無門無毒

使物自若無門者也付天下之自安無毒者也毒治也

一宅而寓於

不得已

不得已者理之必然者也體至一之宅而會乎必然之符也

則幾矣

理盡於斯絕

迹易無行地難

不行則易欲行而不踐地不可能也無為則易欲為而不傷性不可得也

人使易以偽為天使難以偽

視聽之所得者粗故易欺也至於自然之報細故難

偽也則失真少者不全亦少失真多者不全亦多失得之報未有不當其分者也而欲違天為偽不亦難乎

聞以有翼飛者矣未聞以無翼飛者也聞以有知知者

矣未聞以無知知者也

言必有其具乃能其事今無至虛之宅無由有化物之實也

知知上音智下如字下句同

瞻彼閼者虛室生白

夫視有若無虛室者也室虛而純白

獨生矣。○閑空也。室比喻心。心能空虛則純白獨生也。

吉祥止止

夫吉祥之所集者至虛至靜也。

夫且不止是之謂坐馳

若夫不止於當不會於極此為以應坐之日而馳驚不息也故

外敵未至而內已困矣豈能化物哉

夫狗耳目內通而外於心知鬼神將

來舍而況人乎

夫使耳目閉而自然得者心知之用外矣故將任性直通無往不冥尚無幽昧

之責而況人間之累乎。○狗辭閑反。徐辭倫反。李云使也。知音智註同。

是萬物之化也。禹

舜之所紐也。伏戲几蘧之所行終而況散焉者乎。

言物無貴

賤未有不由心知耳目以自通者也。故出之所謂知者豈欲知而知哉。所謂見者豈為見而見哉。若夫知見可以欲為而得者則欲賢可以得賢為聖可以得聖乎固不可矣。而世不知知之自知因欲為知以知之不見見

之自見因欲為見以見之不知生之自生又將為生以生之故見目而求離婁之明見耳而責師曠之聰故心神奔馳於內耳目竭喪於外身處不適則與物不冥矣不冥矣而能合乎人間之變應乎世世之節者未之有也○系而

葉公子高將使於齊問於仲尼曰王使諸梁

也甚重

重其使欲有所求也

齊之待使者蓋將甚敬而不急

恐直空報

其敬而不肯急應其求也

匹夫猶未可動也而況諸侯乎吾甚慄之

子嘗語諸梁也曰凡事若小若大寡不道以懽成

夫事無小

大少有不以成為懽者耳此仲尼之所曾告諸梁也

事若不成則必有人道之

患夫以成為懽者不成則怒矣此楚王之所不能免也

事若成則必有陰陽之患

人患雖去然喜懼戰於胃中固已結冰炭於五藏矣若成若不成而後無患者唯

有德者能之

成敗若任之於彼而莫足以患心者唯有德者乎

吾食也執粗而

不臧爨無欲清之人

對火而不思涼明其所饌儉薄也○執衆家本並然簡文作熟粗音

麤又才古反臧作郎反善也絕句一音才郎反句至爨字爨七亂反清七性反涼也之人言爨火為食而不思清涼明火微而食宜儉薄今吾朝受命而夕飲冰我其內熱與

所饌儉薄

而內熱飲冰者誠憂事之難非美食之為○食美食者必內熱

吾未至乎事之情而既

有陰陽之患矣事若不成必有人道之患是兩也

事未成則

恐懼結於內而刑網羅於外也

為人臣者不足以任之子其有以語我

來仲尼曰天下有大戒二其一命也其一義也子之愛

親命也不可解於心

自然結固不可解也

臣之事君義也無適而

非君也無所逃於天地之間

千人聚不以一人為主不亂則散故多賢不可以多

君無賢不可以無君此天人之道必至之宜

是之謂大戒

若君可逃而親可解則不足戒也

是以夫事其親者不擇地而安之孝之至也夫事其君

者不擇事而安之忠之盛也自事其心者哀樂不易施

乎前知其不可奈何而安之若命德之至也

知不可奈何者命也

而安之則無哀無樂何易施之有哉故冥然以所遇為命而不施心於其間泯然與至當為一而無休戚於其

中雖事凡人猶無往而不適況君親乎 為人臣子者固有所不得已行事

之情而忘其身

事有必至理固常通故任之則事濟而身不存者未之有也又何容心於

其身何暇至於悅生而惡死夫子其行可矣

理無不通故當任所

遇而直前耳若乃信道不篤而悅惡存懷不能與至當俱往而謀生慮死未見能成其事者也

丘請復

以所聞凡交近則必相靡以信

近者得接故以其信驗親相靡服也遠則

必忠之以言

遠以言傳意也

言必或傳之夫傳兩喜兩怒之言

天下之難者也

夫喜怒之言若過其實傳之者宜使兩不失中故未易也

夫兩喜必

多溢美之言兩怒必多溢惡之言

溢過也喜怒之言常過其當也凡溢

之類妄

嫌非彼言以傳者妄作

妄則其信之也莫

莫然疑之

莫則傳言

者歿

就傳過言似於誕妄受者有疑則傳言者橫以輕重為罪也

故法言曰傳其常

情無傳其溢言則幾乎全

雖聞臨時之過言而勿傳也必稱其常情而要其誠至則

近於全也

且以巧鬪力者始乎陽

本共好戲好呼報反

常卒乎陰

欲勝情至

潛興害彼

泰至則多奇巧

不復循理泰音太

以禮飲酒者始乎治

尊卑

有別旅酬有次

常卒乎亂

湛酒淫液也

泰至則多奇樂

淫流縱橫無所不至

凡

事亦然始乎諒常卒乎鄙其作始也簡其將畢也必巨

夫煩生於簡事起於微此必至之勢也

言者風波也行者實喪也

夫言者風波也

故行之則實喪矣

夫風波易以動實喪易以危

故遺風波而弗行則實不喪矣

夫事得其實則危可安而蕩可定也

故忿設無由巧言偏辭

夫忿怒之作無他由也常

由巧言過實

獸死不擇音氣息惴然於是並生心厲

譬

野獸蹴之窮地意急情盡則和聲不至而氣息不理惴然暴怒但生疢疢以相對之

尅核太至則

必有不肖之心應之而不知其然也

夫寬以容物物必歸焉尅核太精則

鄙吝心生而不自覺也故大人蕩然放物於自得之場不苦人之能不竭人之歡故四海之交可全

苟為

不知其然也孰知其所終

苟不自覺安能知禍福之所齊詣也

故法言曰

無遷令

傳彼實也

無勸成

任其過度益也

遷令勸成

殆事

此事之危殆

美成在久

美成者任其時化譬之種植不可一朝成

惡成不及

改

彼之所惡而勸彊成之則悔敗尋至

可不慎與且夫秉物以遊心

寄物以為

意託不得已以養中至矣

任理之必然者中庸之符全矣斯接物之至也

何作

為報也

當任齊所報之實何為為齊作意於其間哉

莫若為致命此其難者

直為致命最易而以喜怒哀施心故難也

顏闔將傳衛靈公太子而問於蘧

伯玉曰有人於此其德天殺與之為無方則危吾國與

之為有方則危吾身

夫小人之性引之軌制則憎已縱其無度則亂邦○顏闔魯之賢人

隱者衛靈公左傳云名元太子音泰司馬云蒯瞶也蘧其居反伯玉名瑗衛賢大夫天殺如字謂如天殺物也

徐所列反無方
李云方道也
其知適足以知人之過而不知其所以

過

不知民過之由已故罪責於民而不自改○其知音智

若然者吾奈之何蘧伯

玉曰善哉問乎戒之慎之正女身哉

反覆與會俱所以為正身

形莫

若就心莫若和

形不乖迕和而不同

雖然之二者有患就不欲入

就者形順入者還與同

和不欲出

和者義濟出者自顯伐

形就而入且為顛

為滅為崩為蹶

若還與同則是顛危而不扶持與彼俱亡矣故當模格天地但不立小異耳

心和而出且為聲為名為妖為孽

自顯和之且有含垢之聲濟彼之名彼將

惡其勝已妄生妖孽故當悶然若晦玄同光塵然後彼不可得而親不可得而疎不可得而利不可得而害彼

且為嬰兒亦與之為嬰兒彼且為無町畦亦與之為無

町畦彼且為無崖亦與之為無崖達之入於無疵

不小立圭

角以逆其鱗也。○嬰兒喻無意也。一云喻驕遊也。町徒頂反。畦戶圭反。畔埒也。無畔埒無威儀也。

汝不

知夫螳螂乎怒其臂以當車轍不知其不勝任也是其

才之美者也

夫螳螂之怒臂非不美也以當車轍顧非敵耳今知之所無奈何而欲彊當其任即

螳螂之怒臂也

戒之慎之積伐而美者以犯之幾矣

積汝之才成汝之美

以犯此人危殆之道

汝不知夫養虎者乎不敢以生物與之為其

殺之之怒也

恐其因有殺心而遂怒也

不敢以全物與之為其決之

之怒也

方使虎自齧分之則因用力而怒矣

時其饑飽達其怒心

知其所以怒而

順虎之與人異類而媚養已者順也故其殺者逆也

理順

則異類生愛逆

夫愛馬者以筐盛矢以蜋盛溺

矢溺至賤而以

實器盛之愛馬之至也○矢或作屎同蜋徐市軫反蛤類

適有蚤蚩僕緣

僕僕然羣著馬

而

拊之不時

雖救其患而備馬之不意

則缺銜毀首碎胷

掩其不備故驚而至此

意有所至而愛有所亡可不慎邪

意至除患率然拊之以致毀碎失其所以

愛矣故當世接物逆順之際不可不慎也

匠石之齊至于曲轅見櫟社樹其

大蔽牛絜之百圍其高臨山十仞而後有枝其可以為

舟者旁十數觀者如市匠伯不顧遂行不輟弟子厭觀之走及匠石曰自吾執斧斤以隨夫子未嘗見材如此其美也先生不肯視行不輟何邪曰已矣勿言之矣散木也以為舟則沈以為棺槨則速腐以為器則速毀以為門戶則液槁以為柱則蠹是不材之木也無所可用故能若是之壽

不在可用之數故曰散木○曲轅道名櫟力狄反木名百圍徑尺為圓蓋十丈

也十仞小爾雅云四尺曰仞案七尺曰仞或云八尺曰仞旁十數旁旁枝也匠伯匠匠石字也槁亡言反液津液也槁謂脂

出槁槁然也

匠石歸櫟社見夢曰女將惡乎比予哉若

將比予於文木邪

凡可用之木為文木

夫祖梨橘柚果蓏之屬實

熟則剝則辱大枝折小枝泄此以其能苦其生者也故

不終其天年而中道夭自掊擊於世俗者也物莫不若

是

物皆以自用傷○祖側加反俗作查力果反

且予求無所可用久矣幾死

乃今得之

數有睥睨已者唯今匠石明之耳○幾音機下同

為予大用

積無用乃為濟

生之大用

使予也而有用且得有此大也邪

若有用久見伐

且也若

與予也皆物也奈何哉其相物也而幾死之散人又惡

知散木

以戲匠石

匠石覺而診其夢弟子曰趣取無用則為

社何邪

猶嫌其以為社自榮不趣取於無用而已。診直信反占夢也。

曰密若無言彼

亦直寄焉

社自來寄耳非此木求之為社也。

以為不知已者詬厲也

此言

木乃以社為不知已而見辱病也豈榮之哉。詬乎豆反辱也厲病也。

不為社者且幾有

翦乎

木自以無用為用則雖不為社亦終不近於翦伐之禍。

且也彼其所保與衆

異

彼以無保為保而衆以有保為保。

而以義譽之不亦遠乎

利人長物禁民為非

社之義也夫無用者泊然不為而羣才自適用者各得其叙而不與焉此無用之所以全也汝以社譽之無緣

近也南伯子綦遊乎商之丘見大木焉有異結駟千乘隱

將芘其所賴

其枝所陰可以隱芘千乘。南伯即南郭也伯長也商之丘今梁國睢陽縣是也隱

傷於熱也。此本亦作庇賴音。賴蔭也。可以蔭庇千乘也。

子綦曰：此何木也哉？此必

有異材。夫仰而視其細枝，則拳曲而不可以為棟梁；俯而視其大根，則軸解而不可以為棺槨。噉其葉，則口爛而為傷；嗅之，則使人狂醒三日而不已。子綦曰：此果不

材之木也。以至於此，其大也。嗟乎！神人以此不材。

天王不材

於百官故百官御其事而明者為之視聽者為之聽知者為之謀勇者為之扞夫何為哉？玄默而已。而羣材不失其當，則不材乃材之所至。賴也，故天下樂推而不厭。乘萬物而無害也。○解如衣軸之直解也。噉食紙反。嗅許救反。宋有荆氏者，宜楸柏桑，其拱把而上者求狙猴之

杙者斬之三圍四圍求高名之麗者斬之七圍八圍貴人富商之家求禪傍者斬之故未終其天年而中道之

夭於斧斤此材之患也

有材者未能無惜也。○荆氏地名一曰里名宜楸柏桑荆氏之

地宜此三木兩手曰拱一手曰把杙以職反欲以栖戲狙猴也麗音禮小船也又屋隱也禪木亦作擅音膳傍薄剛反禪傍棺也棺之全一邊者謂之禪傍故解之以牛之白顙者與豚之

亢鼻者與人有痔病者不可以適河

巫祝解除棄此三者必妙選辭具然

後敢用此皆巫祝以知之矣

巫祝於此亦知不材者全所以為不祥也

此乃神人之所以為大祥也

夫全生者天下之所謂祥也巫祝以不材為不祥而

弗用也彼乃以不祥全生乃大祥也神人者無支離疏心而順物者也故天下之所謂大祥神人不逆

者頤隱於臍肩高於頂會撮指天五管在上兩髀為脅

挫鍼治解足以餬口鼓箠播精足以食十人上徵武士

則支離攘臂於其間

恃其無用故不自竄匿○支離疏形體支離不全貌疏其名也言脊

曲頸縮也會撮髻也古者髻在頂中脊曲頭低故髻指

天也管膺也五臟之膺皆在上也髀本又作脾俚人腹

在髀裏也脊曲髀豎故與肩並也鍼執金反挫鍼縫衣

也解佳賣反浣衣也鼓箠也小箕曰箕簡米曰精云鼓

箠播精言賣卜上有大役則支離以有常疾不受功

不任作上

與病者粟則受三鍾與十束薪

役則不與賜則受之○四斗曰鍾

夫支

離其形者猶足以養其身終其天年又況支離其德者

乎神人無用於物而物各得自用歸功名於羣才與物冥而無迹故免人間之害處常美之實此支離其德

也孔子適楚楚狂接輿遊其門曰鳳兮鳳兮何如德之

衰也

當順時直前盡乎會通之宜耳世之衰盛蔑然不足覺故曰何如

來世不可待往

世不可追也

趣當盡臨時之宜耳

天下有道聖人成焉天下無道

聖人生焉

付之自爾而理自生成生成非我也豈為治亂易節哉治自求成故遺成而不敗亂自求

生故亡生而不死

方今之時僅免刑焉

不瞻前顧後而盡當今之會冥然與時世為一

而後妙當可全刑名可免

福輕乎羽莫之知載

足能行而放之所能執而任之聽耳之所

聞視目之所見知止其所不知能止其所不能用其自
用為其自為恣其性內而無纖芥於分外此無為之至
易也無為而性命不全者未之有也性命全而非福者
理未聞也故夫福者即嚮之所謂全耳非假物也豈有
寄鴻毛之重哉率性而動動不過分天下之至易也舉
其自舉載其自載天下之至輕也然知以無涯傷性心
以欲惡蕩真故乃釋此無為之至易而知彼有為之至
難棄夫自舉之至輕而取夫載彼之至重此世之常患
也

禍重乎地莫之知避

舉其性內則雖負萬鈞而不覺其重也外物寄之雖重不盈錙

銖有不勝任者矣為內福也故福至輕為外禍也
故禍至重禍至重而莫之知避此世之大迷也

已乎

已乎臨人以德殆乎殆乎畫地而趨

夫畫地而使人循之其迹不可掩矣

有其已而臨物與物不冥矣故大人不明我以耀彼而
任彼之自明不德我以臨人而付人之自得故能彌貫

萬物而玄同彼我泯然與迷陽迷陽無傷吾行迷陽猶

亡陽任獨不蕩於外則吾行全矣天下皆全其吾則凡稱吾者莫不皆全也。迷陽伏陽也言詐狂吾行

卻曲無傷吾足曲成其形各自足矣山木自寇也膏火自煎也桂

可食故伐之漆可用故割之人皆知有用之用而莫知

無用之用也有用則與彼為功無用則自全其生夫割肌膚以為天下者天下之所知也使百姓

不失其自全而彼我俱適者俛然不覺妙之在身也

德充符第五德充於內應物於外外內玄合信若符命而遺其形骸也

魯有兀者王骀從之遊者與仲尼相若弟子多少敵孔子。凡五忽反

又音界則足曰兀王
駘音臺人姓名也

常季問於仲尼曰王駘兀者也從

之遊者與夫子中分魯立不教坐不議虛而往實而歸

各自得而足也○常
季或云孔子弟子

固有不言之教無形而心成者邪

慳其形殘而心乃充足也夫心之全也遺
身形忘五藏忽然獨往而天下不能離

是何人也仲

尼曰夫子聖人也丘也直後而未往耳丘將以為師而

況不若丘者乎奚假魯國丘將引天下而與從之

夫神全

具則體與物冥與物冥者天下之所不能遠矣但一國
而已哉○丘也直後而未往耳自在衆人後未得往師

之常季曰彼兀者也而王先生其與庸亦遠矣若然者
耳

其用心也獨若之何仲尼曰死生亦大矣

人雖曰變然死生之變變

之大也○王子況反勝也君長也其與庸亦遠矣庸常人也

而不得與之變

俱彼與變故生

死不變於彼

雖天地覆墜亦將不與之遺

斯順之也天地猶不能變已況生死

也審乎無假

明性命之固當

而不與物遷

任物之自遷

命物之化

以化

為命而無怪迂

而守其宗也

不離至當之極

常季曰何謂也仲尼曰自

其異者視之肝膽楚越也

甜苦之性殊則美惡之情背

自其同者視

之萬物皆一也

雖所美不同而同有所美各美其所美則萬物一美也各是其所是則天下一

是也夫以其所異而異之則天下莫不異而浩然大觀者官天地府萬物知異之不足異故因其所同而同之

故我耳未始有得死亦我也未始有喪夫死生之變猶以為一既觀其一則脫然無係玄同彼我以死生為寤寐以形骸為逆旅去生如脫屣斷足如遺土吾未見足以纓縶其心也常季曰彼為已以

其知

嫌王駘未能忘知而自存

得其心以其心

嫌未能遺得其常心

物何為最之哉

夫得其常心平往者也嫌其不能平往而與物過常故使物就之。最徂會反

聚也仲尼曰人莫鑑於流水而鑑於止水

夫止水之致鑑者非為止以求

鑑也故王駘之聚眾眾自歸之豈引物使從已

唯止能止眾止

動而為之則不能居眾物之止

受命於地唯松柏獨也在冬夏青青

夫松柏特稟自然之鍾氣故能為眾

木之傑耳非能為而得之也

受命於天唯舜獨也正

言特受自然之正氣者至希也

下首則唯為松柏上首則唯有聖人故凡不正者皆來求正耳若物皆有青全則無貴於松柏人各自正則無美於大聖幸能正生以正衆生幸自能正耳非夫保始而趣之為正以正之

之徵不懼之實勇士一人雄入於九軍將求名而能自

要者而猶若是

非能遺名而無不任○保始之徵徵成也終始可保成也九軍天子六軍諸侯

三軍通為九軍也兵書以攻九天收九地故謂之九軍

而況官天地府萬物

冥然無不

體也直寓六骸

所謂逆旅○六骸手足首身也

象耳目

人用耳目亦用耳目非須耳目一

知之所知而心未嘗死者乎

知與變化俱則無往而不冥此知之一者也心與死

生順則無時而非生此心之未嘗死也

彼且擇日而登假人則從是也

不以

欽定四庫全書

卷二

失會為擇耳斯人無擇也任其天行而時動者也故假借之人由此而最之耳補假音格至也大宗師章是知

之能登假

彼且何肯以物為事乎

其恬淡故全也

申徒嘉兀者

也而與鄭子產同師於伯昏無人子產謂申徒嘉曰我

先出則子止子先出則我止

羞與則者並行○申徒氏嘉名無人離篇作瞽人

其明日又與合堂同席而坐子產謂申徒嘉曰我先出

則子止子先出則我止今我將出子可以止乎其未邪

質而問之欲使必不並已

且子見執政而不違子齊執政乎

常以執政自多

故直云子齊執政便謂足以明其不遜

申徒嘉曰先生之門固有執政焉

如此哉

此論德之處
非計位也

子而說子之執政而後人者也

其笑

矜說在位欲處
物先○說音悅

聞之曰鑑明則塵垢不止止則不明也

久與賢人處則無過今子之所取大者先生也而猶出

言若是不亦過乎

事明師而鄙吝之心
猶未去乃真過也

子產曰子既若

是矣

若是
形殘

猶與堯爭善計子之德不足以自反邪

言不
自顧

省而欲輕蔑在位與有德者並計
子之德故不足以補形殘之過

申徒嘉曰自狀其過

以不當亡者衆

多自陳其過狀以已
為不當亡者衆也

不狀其過以不當

存者寡

默然為過自以
為應死者少也

知不可奈何而安之若命唯有

德者能之遊於羿之彀中中央者中地也然而不中者

命也

羿古之善射者弓矢所及為彀中夫利害相攻則天下皆羿也自不遺身忘知與物同波者皆遊於

羿之彀中耳雖張毅之出單豹之處猶未免於中地則中與不中唯在命耳而區區者各有其所遇而不知命之自爾故免乎弓矢之害者自以為巧欣然多已及至不免則自恨其繆而志傷神辱斯未能達命之情者也夫我之生也非我之所生也則一生之內百年之中其坐起行止動靜趣舍性情知能凡所有者凡所無者凡所為者凡所遇者皆非我也理自爾耳而橫生休戚乎其間斯又逆自然而失者也○中地丁仲反下不中註中地中與人以其全足笑吾不全足者衆矣皆不知命不中同

我怫然而怒

見其不知命而怒斯又未知命也

而適先生之所則廢然

而反

見至人之知命遺形故廢向者之怒而復常

不知先生之洗我以善邪

不知先生洗我以善道故邪我為能自反邪斯自忘形而遺累

吾與夫子遊十九年而

未嘗知吾兀者也

忘形故也

今子與我遊於形骸之內而子

索我於形骸之外不亦過乎

形骸外矣其德內也今子與我德遊耳非與我形交

而索我外好豈不過哉○索色百反

子產蹙然改容更貌曰子無乃稱已

則厭其多言也

魯有兀者叔山無趾踵見仲尼

踵頻也○叔山字無足趾踵頻

也故

仲尼曰子不謹前既犯患若是矣雖今來何及矣

無趾曰吾唯不知務而輕用吾身吾是以亡足

人之生也理自

生矣直莫之為而任其自生斯重其身而知務者也若乃忘其自生謹而矜之斯輕用其身而不知務也故五藏相攻於內而手足殘傷於外也今吾來也猶有尊足者存則一足未

德明夫形骸者逆旅也

吾是以務全之也

去其矜謹任其自生斯務全也

夫天無

不覆地無不載

天不為覆故能常覆地不為載故能常載使天地而為覆載則有時而息矣使

舟能沉而為人浮則有時而沒矣故物為焉則未足以終其生也

吾以夫子為天地安

知夫子之猶若是也

責其不謹不及天地也

孔子曰丘則陋矣夫

子胡不入乎請講以所聞無趾出

聞所聞而出全其無為也

孔子曰

弟子勉之夫無趾兀者也猶務學以復補前行之惡而

況全德之人乎

全德者生便忘生

無趾語老聃曰孔丘之於至

人其未邪彼何賓賓以學子為

怪其方復學於老聃

彼且蘄以諷

詭幻怪之名聞不知至人之以是為已

桎梏邪者人學

亦學然古之學者為已今之學者為人其弊也遂至乎為人之所為矣夫師人以自得者率其常然者也舍已效人而逐物於外者求乎非常之名者也夫非常之名乃常之所生也故學者非為幻怪也幻怪之生必由於學禮者非為華薄也而華薄之興必由於禮斯必然之理至人之所無奈何故以為已之桎梏

老聃曰

胡不直使彼以死生為一條以可不可為一貫者解其

桎梏其可乎

欲以直理冥之冀其無迹

無趾曰天刑之安可解

今仲尼非

欽定四庫全書

卷二

不冥也顧自然之理行則影從言則嚮隨夫順物則名迹斯立而順物者非為名也非為名則至矣而終不免乎名則孰能解之哉故名者影嚮也影嚮者形聲之桎梏也明斯理也則名迹可遺名迹可遺則尚彼可絕尚彼可絕則性命可全矣魯哀公問於仲尼曰衛有惡人焉曰哀駘

它

惡醜也。○惡人惡貌醜駘音殆它徒何反哀駘醜貌它名

丈夫與之處者思而不

能去也婦人見之請於父母曰與人為妻寧為夫子妾者數十而未止也未嘗有聞其唱者也常和人而已矣

無君人之位以濟乎人之死

明物不由權勢而往

無聚祿以望人之

腹明非求又以惡駭天下

明不以形美故往

和而不唱

非招而致之

知不出乎四域

不從思於分外

且而雌雄合乎前

夫神全者與物無害故入

獸不亂羣八鳥不亂行而為萬物之靈○雌雄合乎前禽獸屬也

是必有異乎人者也

寡人召而觀之果以惡駭天下與寡人處不至以月數

而寡人有意乎其為人

未經久已覺其有遠處

不至乎期年而

寡人信之國無宰而寡人傳國焉

委之以國政

悶然而後應

寵辱不足

汜而若辭

人辭亦辭○汜浮劍反不係也

寡人醜乎卒授之

國無幾何也去寡人而行寡人卹焉若有亡也若無與

樂是國也是何人者也仲尼曰丘也嘗使於楚矣適見

純子食於其死母者

食乳也。醜也。純又作豚。

少焉眴若皆

棄之而走不見已焉爾不得類焉爾

夫生者以才德為類死而才德去矣

故生者以失類而走也故含德之厚比於赤子無往而不為之赤子也則天下莫之害斯得類而明已故也情苟類焉則雖形不與同而物無害心情類苟亡則雖形同母子而不足以固其志矣。○眴音舜驚貌目動也

所愛其母者非愛其形也愛使其形者也

使形者戰而才德也

死者其人之葬也不以翬資

翬者武所資也戰而死者無武也翬將安施。○翬所

早反扇也武士所造資送也

則者之屨無為愛之

所愛屨者皆無其為足故耳

本矣

翬屨者以足武為本

為天子之諸御不爪翦不穿耳

全其取形也

妻者止於外不得復使

恐傷其形

形全猶足以為爾

採擇嬪御及燕

爾新婚本以形好為意者也故形之全也可以降至尊之情回真女之操也

而況全德之人

乎

德全而物愛之宜矣

今哀駘它未言而信無功而親使人授已

國唯恐其不受也是必才全而德不形者也哀公曰何

謂才全仲尼曰死生存亡窮達貧富賢與不肖毀譽飢

渴寒暑是事之變命之行也

其理故當不可逃也故人之生也非誤生也生之所

有非妄有也天地雖大萬物雖多然吾之所遇適在於是則雖天地神明國家聖賢絕力至知而弗能違也故凡所不過弗能遇也其所遇弗能不遇也凡所弗為弗能違也其所為弗能不為也付之而至當矣日夜

相代乎前

夫命行事變不舍晝夜推之不去留之不停故才全者隨所遇而任之

而知不

能規乎其始者也

夫始非知之所規而故非情之所留是以知命之必行事之必變者豈於

終規始在新戀故哉雖有至知而弗能規也逝者之往吾柰之何哉故不足以滑和苟知性

當則雖死生窮達千變萬化淡然自若而和理在身矣不可入於靈府

靈府者精神之宅也

夫至足者不以憂慮經神若皮外而過去使之和豫通而不失於兌

苟使和性不滑

靈府閒豫則雖涉乎至變不失其兌然也○兌悅也使日夜無卻

混然常任之○卻去逆反間也

而與物為春

羣生之所賴也是接而生時於心者也

順四時是而俱化是

之謂才全何謂德不形曰平者水停之盛也

天下之平者莫盛於

停其可以為法也

無情至平故天下取正焉

內保之而外不蕩也

內保

其明外無情為玄鑒洞照與物無私故能全其平而行其法也

德者成和之修也

事得以成

物得以和德不形者物不能離也

無事不成無物不和此德之不形也是以

天下樂推而不厭

哀公異日以告閔子曰始也吾以南面而君

天下執民之紀而憂其死吾自以為至通矣今吾聞至

人之言恐吾無其實輕用吾身而亡吾國吾與孔丘非

君臣也德友而已矣

聞德無形之風者雖復哀公猶欲遺形骸忘貴賤也

闔跂支

離無朕說衛靈公靈公說之而視全人其脰肩甕甕

大癭說齊桓公桓公說之而視全人其脰肩肩

性偏情一醜

者更好而好者更醜也。○闍音因跂音企闍跂支離言脚常曲行體不正卷縮也無脰名也桓公說之音悅下

說之同脰音豆頸也甕鳥送反甕鳥甕反甕甕大癭貌故德有所長而形有所忘其

長於順物忘其醜人不忘其所忘而忘其所不忘此謂長於逆物忘其好

誠忘生則愛之死則棄之故德者世之所不忘也形者理之所不存也故夫忘形者非忘也不忘形而忘

德者乃故聖人有所遊遊於自得之場故之而無不至者才德全也而知為

孽約為膠德為接工為商此四者自然相生其理已具知音智知慧生妖孽約誓

所以為膠固散德以聖人不謀惡用知不斲惡用膠無接物工巧而商賈起

喪惡用德不貨惡用商

自然已具故聖人無所用其已也

四者天鬻也

天鬻也者天食也

言自然而稟之音育養也食音嗣

既受食於天又

惡用人

戒以避禍物無妄然皆天地之會至理之趣必

自思之非我思也必自不思非我不思也或思而免之或不思而免之

我也又奚為哉

有人之形

視其形貌若人

無人之情

掘若槁木之枝。掘

其物反槁苦老反

有人之形故羣於人

類聚羣分自然之道

無人之情故

是非不得於身

無情故付之於物也

眇乎小哉所以屬於人也

形貌

若人。眇亡小反簡文云陋也

誓乎大哉獨成其天

無情故浩然無不任無不任者有情

之所未能也故無情而獨成天也○磬五羔反故也

惠子謂莊子曰人故無情乎

莊子曰然惠子曰人而無情何以謂之人莊子曰道與

之貌天與之形惡得不謂之人

人之生也非情之所生也生之所知豈情之所

知哉故有情於為離曠而弗能也然離曠以無情而聰明矣有情於為賢聖而弗能也然賢聖以無情而賢聖矣豈有賢聖絕遠而離曠難慕哉雖下愚聾瞽及雞鳴狗吠豈有情於為之亦終不能也不問遠之與近雖去已一分顏孔之際終莫之得也是以閱之萬物反取諸身耳目不能以易任成功手足不能以代司致業故嬰兒之始生也不以目求乳不以耳向明不以足操物不以手求行豈百骸無定司形貌無素主而專由情以制哉

惠子曰既謂之人惡得無情

未解形貌之非情也

莊子曰是非

吾所謂情也

以是非為情則無是非無好無惡者雖有形貌直是人耳情將安寄

吾所

謂無情者言人之不以好惡內傷其身

任當而直前者非情也

常

因自然而不益生也

止於當也

惠子曰不益生何以有其身

未明生之自生理之自足

莊子曰道與之貌天與之形

生理已自足於形貌之中

但任之則身存

不以好惡內傷其身

夫好惡之情非所以益生祇足以傷身以其生之有

也分今子外乎子之神勞乎子之精倚樹而吟據槁梧而


瞑夫神不休於性分之內則外矣精不止於自生之極

則勞矣故行則倚樹而吟坐則據梧而睡言有情者之自困也補槁梧枯木以為几據琴而睡也

天選子之形子以堅白鳴

言凡子所

為外神勞精倚樹據梧且吟且睡此世之所謂情也而
云天選明夫情者非情之所生而況他哉故雖萬物萬
形云為趣舍皆在無情中
來又何用情於其間哉



莊子注卷二